



13
1787
46



冊 13
號 1787
卷 46

釋教

隋經籍志佛經者天竺之迦維衛國淨飯王太子釋迦牟尼所
說釋迦當周莊王之九年四月八日自母右脅而生姿貌奇異
有三十二相八十二好捨太子位出家學道勤行精進覺悟一
切種智而謂之佛亦曰佛陀亦曰浮屠華言譯之爲淨覺其所
說云人身雖有生死之異至於精神則常不滅此身之前則經
無量身矣積而修習則成佛道天地之外四維上下更有天地
亦無終極然皆有成敗每一成敗謂之一劫自初劫至釋迦已
七佛矣其次當有彌勒出世必經三會演說法藏開度衆生由
是道者有四等之果一曰須陀洹二曰斯陀含三曰阿那含四
曰阿羅漢至羅漢者則出入生死去來隱顯而不爲累阿羅漢

已上至菩薩者深見佛性以至成道每佛滅度遺法相傳有正
象末三等醇醜之異末法已後無復佛教然後有大火大水大
風之災一切除去之而更立生人又歸淳朴謂之小劫每一小
劫則一佛出世初天竺中多諸外道並事水火毒龍而善諸變
和迦之苦行也是諸邪道並來騁惱以亂其心而不能得
佛道成盡皆摧伏並為弟子弟子男曰桑門譯言息心而總曰
僧譯言行乞女曰比丘尼皆剃落髮鬚釋累辭家相與和居治
心修淨行乞以自資而防心攝行僧至二百五十戒尼五百戒
係人信憑佛法者男曰優婆塞女曰優婆夷皆去殺盜淫妄言
飲酒是為五戒釋迦在世教化四十九年乃至天帝人鬼並來
法弟子得道以百千萬億數然後於拘尸那城沙羅雙樹間

以二月十五日入般涅槃涅槃亦曰泥洹譯言滅度亦言常樂
我淨弟子大迦葉與阿難等 五百人追共撰述綴以文集載
為十二部後數百年者羅漢菩薩相繼著論贊明其義此佛經
教所自始也或云久已流布遭秦之世所以埋滅其後張騫使
西域聞有浮屠之教哀帝時博士弟子秦景使伊存口授浮屠
經中國人未之信也後漢明帝夜夢金神飛行殿庭以問於朝
而傳教以佛對帝遣郎中蔡愔及秦景使天竺求之得佛經四
十二章及釋迦立像并與沙門攝摩騰竺法蘭東還愔之來也
以白馬負經因立白馬寺於洛城雍門西以處之其經緘於蘭
臺石室而又畫像於清涼臺及顯節陵上永平中法蘭又譯十
住經其餘傳譯多未能通至桓帝時有安息國沙門安靜齋經

至洛翻譯最為通解靈帝時有月支沙門支讖天竺沙門竺佛
 朔等並翻佛經而支讖所譯泥洹經二卷學者以為大得本旨
 漢太守竺融亦崇佛法三國時有西域沙門康僧會齋佛經至
 吳譯之吳主孫權甚大敬信魏黃初中國人始依佛戒剃髮為
 僧甘露中有朱仕行者往西域至于闐國得經九十章晉元康
 中至鄴譯之題曰放光般若經太始中有月支沙門竺法護西
 遊諸國大得佛經至洛翻譯部數甚多佛教東流自此而盛石
 勒時常山沙門衛道安性聰敏誦經日至萬餘言分遣弟子各
 趨諸方後至長安符堅甚敬之道安素聞天竺沙門鳩摩羅什
 思通法門勸堅致之入譯經論道安所正與什所譯詞義如一
 時胡僧至長安者數十輩唯鳩摩羅什才德最優其所譯則維

摩法華成實論等諸經及曇無讖所譯金光明經曇摩讖所譯
 泥洹等經並為大乘之學自是佛法通極於四海矣東晉隆安
 中又有剡賓沙門僧伽提婆譯增一阿含經及中阿含經義熙
 中沙門支法領從于闐國得華嚴經三萬六千偈至金陵宣譯
 又有沙門法顯自長安遊天竺經三十餘國隨有經律之處學
 其書語譯而寫之還至金陵與天竺禪師跋羅辨定謂僧祇律
 學者傳之齊梁及陳並有外國沙門然所宣譯無六名部可謂
 法門者梁武帝大崇佛法於華林園中總集釋氏經典凡五千
 四百卷沙門寶唱撰經目錄又後魏時太武帝西征長安以沙
 門多違法律群聚穢亂乃詔有司盡坑殺之文成之世又更修
 復熙平中遣沙門慧生使西域采諸經律得一百七十部永平

中又有天竺沙門菩提留支大譯佛經與羅什相埒其地持十
地論並為大乘學者所重後齊遷鄴佛法不改至周武帝時蜀
郡沙門衛元嵩上書稱僧徒猥濫武帝出詔一切廢毀開皇元
年高祖普詔天下任聽出家大業時又令沙門智果於東都內
道場撰諸經日分別條貫以佛所說經為三部一曰大乘二曰
小乘三曰雜經其餘自後人假托為之者別為一部謂之疑經
云

筆叢貞觀七年法師玄奘遊天竺求法達于王舍城奘生洛州
偃師陳氏隋季出家具戒博貫經籍每慨前代譯經多所訛略
志游西土訪求異本以叅訂焉以三年冬抗表辭帝制不許即
私遁自原州王閔抵高昌高昌王麴文泰奉奘行資護送達于

剎賓從僧伽論師夫俱舍因明大毗婆沙等論至大林國從婆
羅門學中論及異道典籍時婆羅門七百餘歲至僕底國從伏
光法師學對法宗顯理門等論至那伽羅國從月胃論師學眾
事分毗婆沙至祿勒那國從闍那屈多三藏學經部毗婆沙及
薩婆多部辨真等論至麴闍國從毗邪犀那三藏學二毗婆沙
王有勝兵十萬雄冠西域奘與胡商八十許人渡疏伽河彼俗
以人祀天奘與諸商被執以奘風度特異將戮以祭俄大風作
塵沙漲天晝日晦暝彼衆震懼以奘為聖人遂釋之至中天竺
遇大乘居士為奘開瑜伽師地即入王舍城彼預聞奘至具禮
郊迎之日供上饌饌有龍骨香乳蘇蜜及大人米米香聞百步
奘寓其國從正法藏窮探大乘秘奧日益智證云至貞觀十六

年三藏玄奘法師發王舍城入祇羅國國主郊迎之已而問曰
而國有聖人出世作小秦王破陣樂試為我言其為人奘祖陳
帝神武削平天下躬行堯舜之治其王大驚即以青象名馬助
奘馱經而還以貞觀十九年至長安文皇驚喜手詔飛騎迎之
親為經文作序名聖教

浮屠學不出教與禪二端宋太史叙之極詳其文云西方聖人
以一大事因緣出現於世自從鹿野苑中直至跋提河演說苦
空無我無量妙義隨機鈍利分為頓漸無小無大盡皆攝入薩
婆苦海既滅度後其弟子阿難陀多聞總持有大智慧結集為
修多羅藏而諸尊者或後或先各闡化源優波離集四部律謂
之毗尼金剛薩埵於毘盧遮那前親受瑜伽五部謂之秘密章

句無著天親頰升知足天官咨參慈氏相與造論發明大乘謂
之唯識宗旨西竺龍勝所以得毘羅之法弘其綱要謂之中觀
論燉煌柱法順深入華嚴不思議境大旨玄旨謂之華嚴法界
觀毘居之法魏嘉平初曇柯羅始持僧祇戒本至洛陽而曇
德曇諦等繼之立羯磨法唐南山澄照律師道宣作疏明之四
分律遂大行是為行事防非止惡之宗薩埵以瑜伽授龍猛猛
授龍智智授金剛智唐開元中智始來中國大建曼荼羅法事
大智道畝大慧一行及不空三藏咸師尊之是為瑜伽微妙秘
密之宗唐貞觀三年三藏玄奘往西域諸國會戒賢於那蘭陀
寺因受唯識宗旨以歸授慈恩窺基基乃網羅舊說廣制疏論
是為三乘法相顯理之宗梁陳之間比丘惠聞因讀中觀論悟

旨遂遥禮龍勝為師開空假中三觀正觀法門以法華宗告授
慧思思授天台國師智顛顛授灌頂頂授智威智威授惠威惠
威授玄朗朗授湛然是為四教法性觀行之宗隋末順以法界
觀授智儼儼授賢首法藏至清涼大統國師澄觀追宗其學旨
華嚴疏論數百萬言圭峯宗密繼之而其化廣被四方是為一
念圓融具德之宗瑜伽久亡南山亦僅存其盛行于今者昔天
台慈恩賢首而已此則世之所謂教者也世尊大法自迦葉二
十八傳至菩提達摩達摩悲學佛者纏蔽於竹帛間乃弘教外
別傳之旨不立文字而見性成佛達摩傳慧可可傳僧璨璨傳
道信信傳弘忍忍傳曹溪大鑑禪師慧能而其法特盛能之二
弟子懷讓行思皆深入其闡奧讓傳一一之學江西宗之其傳

為懷海海傳希運運傳臨濟慧照大師義玄玄立三玄門策勵
學徒是為臨濟之宗海之旁出為馮山大圓禪師祐祐傳仰山
智通大師慧寂父唱子和微妙玄機不可湊泊是為馮仰之宗
思傳希遷遷之學湖南王之其傳為道悟悟傳崇信信傳宣鑑
鑑傳義存存傳雲門匡真大師文偃偃之氣宇如玉三句之設
如青天震雷聞者掩耳是為雲門之宗玄沙師備偃之同門友
也其傳為桂琛琛傳法眼大師文益益雖依華嚴六相唱明宗
旨迥然獨立不涉九情是為法眼之宗遷之旁出為藥山惟儼
儼以寶鏡三昧五位顯訣三種滲漏傳曇晟晟傳洞山悟本大
師良价价傳曹山元證大師本寂而後大振是為曹洞之宗法
眼再傳至延壽流入高句驪仰山三傳至芭蕉徹當石晉開運

中遂以弗繼雲門曹洞僅不絕如綫唯臨濟一宗大用大機震盪無際若聖若凡無不宗仰此則世之所謂禪者也

禪家五宗獨臨濟為盛傳石霜石霜傳楊岐楊岐至五祖演演傳天目齊齊傳懶牛和和傳竹林寶寶傳竹枝安安傳西堂容

容傳中和璋璋傳簡公號海雲大士禪學至此蓋中興焉印簡弟子二人曰可菴朗曰晴菴僕朗傳華菴備及太傅劉文貞公

即秉忠也僕傳西雲安住天都慶壽寺之諸王皆崇奉之賜以玉印曰臨濟正宗

金剛般若波羅蜜經後秦僧鳩摩羅什譯遷遊翁集英曰金剛者金中精堅者也剛生金中百鍊不消譬

如是是我聞宋龍舒居士王日休曰是指此經我阿難自謂弟子嘗問佛云他時編集經教當如何是首佛言從如是

在舍衛國祇樹給孤獨園李文會曰佛者梵音唐言覺也內覺無諸妄念外覺不染六塵又云佛者相安念外覺不染六塵又云佛者

百五十人俱王日休曰比丘此云乞士謂上乞法於諸佛以明己之真性下乞食於世人以為世人種福

長老須菩提李文會曰長老德尊年高也宋雲庵僧了性曰須菩提人人名之若人頓悟空寂之性故明解空全

而白佛言希有世尊宋上竺僧若訥曰言偏袒者此土謝過請罪故肉袒西土只敬儀故偏袒李文會曰

如來善護念諸菩薩善付囑諸佛所以謂之如來者以真性謂

菩薩王日休曰如來者佛號也佛所以謂之如來者以真性謂之真如然則如者真性之謂也真性所以謂之如者以其

明則照無量世界而無所蔽慧則通無量劫事而無所礙能變
現為一切眾生而無所不可是誠能自如者也其謂之來者以
真性隨現於此而謂之來也若人至誠禱告則有感應若欲為一
切眾生設化則現色身皆其來者也善薩本云善提薩語薩語
累其文而便於稱呼故云善薩梵語善提此云覺梵語薩語此
有情唯善薩在有情之中乃覺悟者故謂之覺有情也世尊善
男子善女人發阿耨多羅三藐三菩提心

云正覺此云善提此云覺然則阿耨多羅三藐三菩提者乃
無上正等正覺也謂真性也真性即佛也梵語佛此云覺故累
謂之無上正等正覺也

佛告須菩提諸菩薩摩訶薩應如是
降伏其心

李公會曰摩訶言大心量廣大不可測量乃大悟人
也黃蘗禪師曰凡夫多被境礙心事礙理常欲逃境
以安心屏事以存理不知乃是心礙境礙事但令心空境自
空理寂事自寂勿倒用心也如是降伏其心若見自性即無妄
念即是降

何以故須菩提若菩薩有我相人相眾生相壽者相
伏其心矣

即非菩薩

六祖曰修行人亦有四相心有能所輕慢眾生名我
相自持持戒輕破戒者名人相厭三塗頓生諸天是
住相布施其福德不可思量

梁傳大士翁檀波羅蜜
布施頌曰施門通六行

六行束三檀
畏檀三檀者持進
禪定智慧是也
資生無畏法聲色勿相干二邊純莫立中
道不須安

子榮曰二邊即有無二邊
欲識無生處背境向心
不立有無俱遣中道何安

觀尸波羅蜜持戒頌曰尸羅得清淨無量劫來因妄想如怨
賊貪愛若參辰在欲而無欲居塵不染塵權依離垢地當證

法王身

圓覺經注云佛
為萬法之王
驛提波羅蜜忍辱頌曰忍心如幻夢
辱境若龜毛

華嚴經云無則
同於龜毛免角
常能修此觀
去逢難轉堅牢無
非亦無是無下亦無高欲滅貪嗔賊須行智慧刀毘離耶波

羅蜜精進頌曰進修名猷地良為慧光舒二智心中造

三空境上祛無明念念滅高下情執除觀心如不問何營至
無餘禪波羅蜜禪定頌曰禪河隨浪靜定水逐波清澄神生

覺性息慮滅迷情遍計虛分別由來假立名若了依他起無
別有圓成華嚴合論遍計所執性般若波羅蜜智慧頌曰慧

燈如朗日蘊界若乾城子榮曰乾城者即乾闥婆城海上龍
蜃化現餘氣人見樓閣忽爾還無此

破衆生妄執五蘊色身為實明來暗便謝無暇暫時停妄心猶未滅乃見
我人形妙智圓光照唯得一空名智者禪師萬行齊修頌曰

三大僧祇劫僧祇數名阿若萬行具齊修既悟無人我長依
聖道流二空方漸證人法二空三昧任遨遊中國言正定創居歡

喜地常樂遂無憂李文會曰不住相者非但見色是相一切
種種皆名分別為相佛言凡所有相皆是

何以故是諸衆生若心取相即為着我人衆生壽者若取法相
即着我人衆生壽者何以故若取非法相即着我人衆生壽者

李文會曰心若取相即起妄念故着我人衆生壽者相也黃藥
禪師謂裴丞相曰伏與衆生唯止一心更無差別此心無始以

未無形無相不曾生不曾滅當下便是動念即垂猶如虛空無
有邊際唯此心即便佛與衆生更無別異但是衆生若相

外求求之轉失使佛覓佛將心捉心窮劫是故不應取法不應
盡形終無所得不知息念忘慮佛自現前

取非法李文會曰不應取法不應取非法者此謂有無俱遣語
默襲忘若取法相即有法執若取非法相即有空執傳

大士頌曰有因無名號無相有馳名有無無別體無有有無
形有無無自性妄起有無情有無如谷響勿着有無聲須善
提於意云何若人滿三千大千世界七寶以用布施是人所得

福德寧為多不王日休曰三千大千世界者此日月所照為一
小世界其中間有須彌山日月遶山運行故南

為閻浮提東為佛婆提西為瞿耶尼比為鬱單越是名四天下
日月運行乃在須彌山之中腰故此山之高其半出日月之上
山上分四方每友有八所中間日有一所共三十三所謂之二
千三天梵語謂之忉利天是也日月運行於此四天下謂之一

小世界如此一千小世界謂之一千如此一千小世界謂之
大千其實則一千中千世界謂之大千以三次言字故云三千

是故如來說福德多僧若訥曰空生謂大千七寶寶豐福勝故

非般若福德種性既非理福不趨菩提也是若復有人於此經

中受持乃至四句偈等為他人說其福勝彼宋如居士頌丙

者非一或指聲香味觸法是或云眼耳鼻舌惟銅牌記云天親

菩薩升兜率宮請願勸如何是四句偈彌勒云無我相無八相

無我生相無壽者相是也宋富沙僧子榮曰住相布施唯有有

須菩提於意云何須陀洹作是念我得須陀洹果不須菩提

言不也須陀洹名為入流而無所入不入色聲香味觸法宋致

雄曰須陀洹含阿那含阿羅漢此四羅漢在一切凡夫人中為

第一佛言若有比丘欲得須陀洹果斯陀含果阿那含果阿羅

漢果當勤修習奢摩他毘沙舍那二法大般若經有須陀洹果

素果不還果阿羅漢果正此所謂四果也我佛恐四羅漢不

知以為無念為宗尚萌所得之念故設四問以為能作得果得

道之念否須菩提皆以不也答之復為之辨論入流者初入門

得預聖斯陀含能作是念我得斯陀含果不須菩提言不也斯

陀含名一往來而實無往來後秦解空僧肇曰一往來者一生

往來而實無往來者證無阿那含能作是念我得阿那含果不

須菩提言不也阿那念名為不來而實無不來僧若訥曰梵語

來已斷欲界思惑更不來生欲界故名阿羅漢能作是念我得

阿羅漢道不須菩提言不也實無有法阿羅漢世尊若阿羅漢

作是念我得阿羅漢道即為着我人眾生壽者謝靈運曰阿羅

滅生盡謂之無生若有人起相也世尊佛說我得無淨三昧人中最為第

一是最第一離欲阿羅漢世尊我不作是念我離欲阿羅漢王曰

三昧亦云三摩地三摩提此云正定亦云正受心無世尊我若

生滅名為正定世人不知此理謂三昧為妙趣之意七百八三

作是念我得阿羅漢道世尊則不說須菩提是樂阿蘭那行者
以須菩提實無所行而名須菩提是樂阿蘭那行者

諍世尊雖稱我我實不作是念若作是念世尊不應記我無諍之行最為第一又曰離三界欲證四果法得無諍三昧方受須菩提名以須菩提翻為空生故云是樂阿蘭那行者若計著實有所行則非無諍行也佛告須菩提於意

云何如來者在然燈佛所於法有所得不也世尊如來在然燈佛所於法實無所得

陳雄曰八王子皆師妙光得成佛道而其最後成佛者名曰然燈十六王子出家為沙彌無證何異凡夫無明二乘執著難此二病是名真修不勤則近於著身身落無明須菩提於意云何菩薩莊嚴佛上不

不也世尊何以故莊嚴佛土者即非莊嚴是名莊嚴

唐僧宗密疏曰佛土者佛之妙性也眾生之真心也體非空虛何名莊嚴六度萬行布施戒定慧等一切善法長皆莊嚴王曰休曰一大世界必有一設化於此間大世界乃釋迦設化之所東方有大世界乃不動佛設化之所是也唯其一大世界有一佛設化之所故凡

謂之佛土 是故須菩提諸菩薩摩訶薩應如是生清淨

正色生心不應住聲香味觸法生心應無所住而生其心

應無所住而生其心者謂不可生心以住著於六塵唯可於無所住著處生心也五祖為六祖說金剛經恰至應無所住而生其心六祖言下大悟乃言何期自性本無搖動五祖曰不識本心王戒何期自性本自具足何期自性本無搖動五祖曰不識本心學法無益若言下識自本心見自本性即名丈夫天人傳大士

頌曰掃除心意名為淨土因無論福與智先且離貪嗔莊嚴絕能所無我亦無人斷如來為發大乘者說為發最上乘者說常俱不染頌脫出罣塵如來為發大乘者說為發最上乘者說

王曰休曰乘乃車乘之乘發為起發之發發大乘謂起發此濟度眾生也最上乘者謂佛乘也佛又能兼善薩而載度之則在大乘之上故若有人能受持讀誦廣為人說如來悉知是人悉

見是人皆得成就不可量不可稱無有邊不可思議功德如是人等即為荷擔如來阿耨多羅三藐三菩提

佛頌云佛即心也心即佛心佛從未皆妄物若知無佛復無心始是真如法身佛佛沒模須善樣一顆圓光含萬象無體之體即真體無相之相即真相



楞若菩薩通達無我法者如來說名真是菩薩

謂人無我法無我也人無我者謂人無本體因業而生法無我者謂法本無體因事而立若作富貴之業則牛富貴中作貧

我者謂法本無體因事而立若作富貴之業則牛富貴中作貧

為舟楫之法因欲行陸則為車輿之法是法本無體須菩提於

意云何如來有肉眼不如是世尊如來有肉眼如來有天眼不

如是世尊如來有天眼如來有慧眼不如是世尊如來有慧眼

如來有法眼不如是世尊如來有法眼如來有佛眼不如是世

尊如來有佛眼

陳維曰華嚴經云肉眼見一切色故天眼見一切法故大般若經所謂清淨五眼是也

佛告須菩提爾所國土

中所有眾生若干種心如來悉知

王曰休曰眾生之心如來所得而知也若寂然如空虛則無得而知矣且所謂他心通者謂

通者現之則知其為基子以已知為基子故也然已則不知其

數之多寡使彼言之則亦不云何為人演說不取於相如不

動王曰休曰佛自問云如何為人演說乃自答云不取於相如

耳如者自如之甚也何以故一切有為法如夢幻泡影如露亦

如電應作如是觀不取相如不取也佛乃自答云一切有為

法如夢幻泡影如露亦如電應作如說者謂有為法則有相而

動故如此六者真性則無相而不動故異於六者也所謂法者

謂凡有所為者皆是也

圓覺經 唐罽賓佛 無上法王有大陀羅尼持門名為圓覺流出

一切清淨真如菩提涅槃及波羅蜜教授菩薩一切如來本起

因也皆依圓照清淨覺相永斷無明方成佛道云何無明善男

子一切眾生從無始末種種顛倒猶如迷人四方易處妄認四

大為自身相六塵緣影為自心相譬彼病目見空中華及第一

善男子空實無華病者妄執田妄執故非惟惑此虛空自性亦復迷彼實華生處由此妄有輪轉生死故名無明善男子如未因地修圓覺者知是空華即無輪轉亦無心身受彼生死非作故無本性無故彼知覺者猶如虛空知虛空者即空華相亦不可說無知覺性有無俱遣是則名為淨覺隨順何以故虛空性故常不動故如來藏中無起滅故無知見故如法界性究竟完滿徧十方故是則名為因地法行我令此身四大和合所謂髮毛爪齒皮肉筋骨髓腦垢色皆歸於地唾涕膿血津液涎沫痰淚精氣大小便利皆歸於水暖氣歸天動氣歸風四大各離今者妄身當在何處即知此身畢竟無體和合為相實同幻化四緣假合妄有六根六根四大中外合成妄有緣氣於中積聚似有緣相假名為心善男子此虛妄心若無六塵則不能有四大分解無塵可得於中緣塵各歸散滅畢竟無有緣心可見善男子彼之眾生幻身滅故幻心亦滅幻心滅故幻塵亦滅幻塵滅故幻滅亦滅幻滅滅故非幻不滅譬如磨鏡垢淨明現善男子當知心身皆為幻垢垢相永滅十方清淨善男子譬如清淨摩尼寶珠映於五色隨方各見諸愚癡者淨見彼摩尼寶有五色善男子圓覺淨性見於心身隨類各應彼愚癡者說淨圓覺實有如是心身自相亦復如是一切眾生從無始際由有種種恩愛貪欲故有輪迴若諸世界一切種性卵生胎生濕生化生皆因淫慾而正性命當知輪迴愛為根本由有諸欲助發愛性是故能令生死相續欲因愛生命因欲有眾生愛命還依

本愛欲為因愛命為果由於欲境起諸違順境皆愛心而生
嫉妬造種種業是故復生地獄餓鬼知欲可厭愛厭業道捨惡
樂善復見天人又知諸愛可厭惡故棄愛樂捨還茲愛本便現
有為增上善果皆輪迴故不成聖道是故眾生欲脫生死免諸
輪迴先斷貪欲及除愛渴

楞嚴經

唐僧祐述譯楞嚴者大定總名

佛告阿難諸盲無眼惟觀黑暗與有眼

人處於暗室二黑有別為無有別如是世尊此暗中人與彼群
盲二黑校量曾無有異阿難若無眼人全見前黑忽獲燈光亦
於前塵見種種色應各燈見若燈見者燈能有見有不各燈又
則燈觀何閑汝事是故當知燈能顯色如是見者是眼非燈眼
能顯色如是見性是心非眼 時憍陳那白佛我於大眾中獨

得解名因悟客塵二字成果世尊譬如行客投宿旅亭或宿或
食食宿畢似裝前途不違安住若實主人自無攸往如是思惟
不住名客住名主人以不住者名為客義又如新霽清揚升天
光入隙中發明空中諸有塵相塵質搖動空虛寂然如是思惟
澄寂名空搖動名塵以搖動者名為塵義佛言如是 佛告阿
難一切眾生從無始末迷已為物失於本心為物所轉故於是
中觀大觀小若能轉物則同如來心身圓明不動道場於一毛
端徧能含受十方國土 阿難譬如有人手足宴安百骸調適
忽如忘生性無遺息其人無故以二手掌於空相摩於二手中
妄生澁滑冷熱諸相受陰當知亦復如是譬如有人談說酢梅
口中水出思竭懸涎足心酸澁想陰當知亦復如是 阿難即

彼目睛瞪彼勞者兼目與勞同是善提瞪發勞相因於明暗二種妄塵發見居中及此塵象名為見性此見離彼明暗二塵畢竟無體如是阿難當知是見非明暗未非於根出不於空生何以故若從明來暗即隨滅應非見暗若從暗來明即隨滅應無見明若從根生必無明暗如是見精必無自性若於空出前矚塵象歸當見根又空自觀何閑汝入是故當知眼入空妄本非因緣非自然性 阿難汝且觀此祇陀樹林及諸泉池於意云何此等為是色生眼見眼生色相阿難為若復眼根生色相者見空非色色性應銷銷則顯發一切都無色相既無誰明空質空亦如是若復色塵生眼見者觀空非色見即銷亡亡則都無誰明空色是故當知見與色空俱無處所即見與見二處虛妄

本非自然性

汝觀地性龐為大地細為微塵至鄰

塵析彼極微色邊際相七分析成更折鄰空即實空性阿難若此鄰虛析成虛空當知虛空出生色相汝今問言由和合故出生世間諸變化相汝且觀此一鄰虛塵用幾虛空和合而有不應鄰虛合成鄰虛又鄰虛塵析入空者用幾色相合成虛空若色合時合色非空若空合時合空非色色猶可拆空云何合汝元不知如來藏中生色真空性空真色清淨本然周遍法界隨眾生心應所知量循業發現世間無知惑為因緣及自然性皆是識心分別計度但有言說都無實義 汝常聞我毗柰耶中宣說脩行三決定義所謂攝心為戒因戒生定因定發慧是則名為三無漏學阿難云何攝心我名為戒若諸世界六道眾生

其心不滯則不隨其生死續汝脩三昧本出塵勞滯心不除塵不可出縱有多智禪定見前如不斷滯必落魔道

四十二章經

後漢竺法蘭來自西域者

佛言出家沙門者斷欲去愛識自心

源達佛本理悟無為法內無所得外無所求心不繫道亦不結業無念無作非修非證不歷諸位而自崇最名之為道 有一

沙門問佛以何因緣得知宿命會其至道明見諸有佛言道無形相知之何益要當守志如磨鏡師精心用意而得塵盡垢去

明存即自見形如觀諸有斷欲無求當得宿命 有沙門問佛

何者多力佛言忍辱多力 佛言夫為道者猶木在水尋流而

行不觸兩岸不為人取不為鬼神所遮不為涸流所住亦不腐

敗吾保此本決定入海矣人為道者不為情欲所惑不為衆意

所撓精進無疑吾保此人得其道矣

心經

澹然生無垢子詩解

舍利子色不異空空不異色色即是空空即是

色受想行識亦復如是

舍利子是佛門中智慧第一之弟子舍是舍宇比四大色身而言利字是舍中

本來一點真靈主張形體者色空不二莫非本性凡物之現前也安得不謂之色及其過去也安得不謂之空知色空之不一

而不著色又不著空且眼無所見而不受其色既無其色則何有於受何有於想有於行與識也 舍利子是諸

法空相不生不滅不垢不淨不增不減是故空中無色無受想

行識無眼耳鼻舌身意無色聲香味觸法無眼界乃至無意識

界無無明亦無無明盡乃至無老死亦無老死盡無苦集滅道

無智亦無得以無所得故 菩薩重告舍利子言曰我示汝修行之法本無相而相亦無相然此本來

面目人人俱足未有此身已有此性矣是亘古亘今本無可生又何所滅本自清潔何得可垢無所染污何得可淨聖本不增

凡何可滅以吾性本空故也性空故自然無色既無色則無五蘊六根六塵六識矣然性無六根故不染六塵無六塵故不

此六識無六識故不成五蘊矣而三六一十八界吾皆超而過矣大凡一有眼界連界十八界不安惟眼界淨意識安十八界自然安也如是四諦十二因緣一時皆空不貪念真痴而無無明猶未也必併無老死而亦盡無之乃能至不知有身而無生死猶未也必併無老死而亦盡無之則無苦無樂無集無散無生無滅無道無得無智無愚無得無識反照自身了不可得至此是人法雙忘諦空俱遣乃大而化之地欲求其故亦莫知其所以然何也自性本無物亦無所得故也

法華經姚秦鳩摩羅什譯方便品佛曾親近百千萬億無數諸佛盡行

諸佛無量道法勇猛精進名稱普聞成就甚深未曾有法隨宜所說意趣難解舍利弗吾從成佛已來種種因緣種種譬喻廣演言教無數方便引導眾生令離諸著所以若何如來方便知見波羅蜜皆以具足舍利弗如來知見廣大深遠無量無礙刀無所畏禪定解脫三昧深入無際成就一切未曾有法舍利弗如來種種能分別巧說諸法言辭柔軟悅可眾心舍利弗取受

言之無量無邊未曾有法佛悉成就止舍利弗不須復說所以者何佛所成就第一希有難解之法唯佛與佛乃能究盡諸法實相所謂諸法如是相如是性如是體如是力如是作如是因如是緣如是果如是報如是本末究竟等

譬喻品是諸眾生未免生老病死憂悲苦惱而為三界火宅所燒何由能解佛之智慧舍利弗如彼長者雖復身手有力而不用之但以慇懃方便勸濟諸子火宅之難然後各與珍寶大車如來亦復如是雖有力無所畏而不用之但以智慧方便於三界火宅拔濟眾生為說三乘聲聞辟支佛佛乘而作是言汝等莫得樂住三界火宅勿貪麤弊色聲香味觸也若貪著生愛則為所燒汝速出三界當得三乘聲聞辟支佛佛乘我今為汝保

任此事終不虛也汝等但當勤脩精進如來以是方便誘進衆
生復作是言汝等當知此三乘法皆是聖所稱嘆自在無繫無
所依求乘是三乘以無漏根力覺道禪定解脫三昧等而自娛
樂便得無量安隱快樂舍利弗若有衆生內有智性從佛世尊
聞法信受慇懃精進欲速出三界自求涅槃是名聲聞乘如彼
諸子為求羊車出於火宅若有衆生從佛世尊聞法信受慇懃
精進求自然慧樂獨善寂深知諸法因緣是名辟支佛乘如彼
諸子為求鹿車出於火宅若有衆生從佛世尊聞法信受勤脩
精進求一切智佛智自然智無師智如來知見力無所畏慇念
樂無量衆生利益天人度脫一切是名大乘菩薩求此乘故
名為摩訶薩時摩訶迦葉而說偈言佛說聲聞當得作佛無上
寶聚不求自得譬如摩訶子力無所畏亦之也逝遠

到地土其父巨富多諸金銀車馬珠璣常為王者之
所愛念群日家族皆共宗重而年朽邁益憂念子爾時
索不食從色至色從國至國漸次經歷到父住城備
至父舍爾時長者食其門內施大寶帳處師子座春
人侍衛窮子見父謂是國王我若久住或見逼迫借
往僻地是長者執我必當見殺長者知子愚癡狹劣更遣餘人
目姓陋無威德者為除糞穢淨諸房舍於是長者著弊垢衣執
子聞之歡喜隨來為除糞穢淨諸房舍於是長者著弊垢衣執
涂糞器往到子所方便附近語令勤解既益汝價飲食充足長
者有智漸令出入經二十年執作家事示其金銀真珠玻瓈諸
物出入皆使令知猶處門外止宿草菴父知子心漸已曠大即
聚親族宅舍人民悉以付之子念昔貧志意下劣今於父所大
獲珍寶并及舍宅一切財物甚大歡喜得未曾有佛亦如是
藥草喻品迦葉譬如三千大千世界山川谿谷土地所生卉木
叢林及諸藥草種類若干名色各異密雲彌布遍覆三千大千
世界一時等澍其澤普洽卉木叢林及諸藥草小根小莖小枝
小葉中根中莖中枝中葉大根大莖大枝大葉諸樹大小隨上

中下各有所受一雲所兩稱其種性而得生長華果敷實雖一地所生一兩所潤而諸草木各有差別迦葉當知如來亦復如是出現於世如大雲起以大音聲普遍世界天人阿修羅如彼大雲遍覆三千大千國土於大衆中而唱是言我是如來應供正徧知明行足善逝世間鮮無上士調御丈夫天人師佛世尊未度者令度未解者令解未安者令安未涅槃者令得涅槃今世後世如實知之經云是人甚希有過於優曇華木名瑞應三千年一現則金輪王出化城喻品爾時大通智勝如來受十方諸梵天王及十六王子請即時三轉十二行法輪若沙波羅門若天魔梵及餘世間所不能轉謂是若是苦集是苦滅是苦滅道及廣說十二因緣法無明緣行行緣識識緣名色名色緣六入六入緣觸觸緣受

受緣愛愛緣取取緣有有緣生生緣老死憂悲苦惱無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅滅則老死憂悲苦惱滅佛於天人大衆之中說是法時六百萬億那由陀人以不受一切法故而於諸漏心得解脫皆得深妙禪定三明六通具八解脫

觀世音普門品佛告無盡意菩薩善男子若有國土衆生應以佛身得度者觀世音菩薩即現佛身而爲說法應以長者居士宰官婆羅門婦女身得度者即現長者居士宰官婦女身而爲說法應以童男童女身得度者即現童男童女身而爲說法應以天龍夜叉乾闥婆阿脩羅迦樓羅緊那羅摩睺羅伽人非人

寺身得度者即皆現之而為說法

唐脩雅法師聽誦法華經歌

下盤陀之石石上有僧結伽橫膝誦白蓮經從旦至夕左之右

之而跡狼跡十片五片異花狼籍偶然相見未深相識知是古

義合目冥心子細聽醍醐滴入焦腸裏佛之意兮祖之隨我之

特空王要死羣生得光輝一萬八千土土皆黃金色四生

道一光中任夫

從自問彌勒

壇經六祖惠能著摩訶般若波羅蜜是梵語此言大智慧到彼

岸此須心行不在口念口念心不行如幻如化如露如電口念

心行則心口相應本性是佛離性無別佛何名摩訶摩訶是大

心量廣大猶如空虛無有邊畔亦無方圓大小亦非青黃赤白

亦無上下長短亦無嗔無喜無是無非無善無惡無有頭尾諸

佛刹土盡同虛空世人妙性本空無有一法可得自性真空亦

復如是善知識莫聞吾說空便即著空第一莫著空若空心靜

即有無記空善知識世界虛空能含萬物色像日月星宿山河

大地泉源溪澗草木叢林惡人善人惡法善法天堂地獄一切

大海須彌諸山總在空中心空亦復如是善知識自性能

含萬法是大萬法在諸人性中若見一切人惡之與善盡皆不

取不捨亦不染著心如虛空名之為大故曰摩訶 師言大眾

世人自色身是城眼耳鼻舌是門外有五門內有意門心是地

性是王王居心地上性在王在性去王無性在心身存性去身

心壞佛向性中作莫向身外求自性迷即是眾生自性覺即是

佛慈悲即是觀音喜捨名為勢至能淨即釋迦平直即彌陀人

我是須彌邪心是海水煩惱是波浪毒害是惡龍虛妄是鬼神

塵勞是魚鱉貪嗔是地獄愚癡是畜生善知識常行十善天堂
 使至除人我須彌倒去邪心海水竭煩惱無波浪滅毒害忘魚
 龍純自心地上覺性如來放大光明外照六門清淨能破六欲
 諸天自性內照三毒即除地獄等罪一時消滅內外明徹不異
 西方不作此脩如何到彼 勸善知識歸依自性三寶佛者覺
 也法者正也僧者淨也自心歸依覺邪迷不生少欲知足能離
 財色名兩足導自心歸依正念念無邪見以無邪見故即無人
 我貢高貪愛執着各離欲導自心歸依淨一切塵勞愛欲境界
 自性皆不染着名眾中尊若脩此行是自歸依凡夫不會從口
 至夜受三歸戒若言歸依佛佛在何處若不見佛憑何所歸言
 却成妄善知識各自觀察莫錯用心經文歸明言自歸依佛不

言歸依也佛自佛不無所依處今既自悟各須歸依自心三寶

吾今教汝說法先須舉三科法門陰界入也陰是五陰色受

想行識是也入是十二入外六塵色聲香味觸法內六門眼耳

鼻舌身意是也界是十八界六塵六門六識

是轉識生六識出六門見六塵如是一十八界皆從自性起用

自性若邪起十八邪自性若正起十八正

菩薩入不二法門時維摩詰默然無言

不二法門也世說支道林造即色論論成示王中郎即都無

言支曰默而識之乎王 僧法達問經說三車羊鹿之車與

白牛之車如何區別願和尚再垂開示師曰經意分明汝自迷

背諸三乘人不能測佛智者患在度量也饒伊盡思共推轉加

懸遠佛本為凡夫說不為佛說此理若不背者從他退席殊不
 知坐却白牛車更於門外覓三車况經文明向汝道唯一佛乘
 無有餘乘若二若三乃至無數方便種種因緣譬喻言詞是法
 皆為一佛乘故汝何省三車是假為昔時故一乘是實為今時
 故只教汝去假歸實歸實之後實亦無名偈曰無念念即正有
 念念成邪無有俱不計長御白牛車 僧智通問三身四智師
 曰三身者清淨法身汝之性也圓滿報身汝之智也千百億化
 身汝之行也若離本性別說三身即名有身無智若悟三身無
 有自性即名四智菩薩聽吾偈曰自性具三身發明成四智不
 離見聞緣超然登佛地復偈曰大員鏡智性清淨平等性智心
 無病妙觀察智見非功成所作智同圓鏡

佛過去莊嚴劫毘婆尸佛尸棄佛毘舍浮佛

今賢劫拘留孫佛拘那含牟尼佛迦葉佛釋迦文佛為七佛首
 傳摩訶迦葉尊者第五提多迦尊者第六彌遮迦尊者第七婆須蜜
 波迦多尊者第八佛馱難提尊者第九伏駄蜜多尊者第十協尊者
 十一富那夜奔尊者十二馬鳴大士十三迦毘摩維尊者十四
 龍樹大士十五迦那提婆尊者十六羅睺羅尊者十七闍耶
 提尊者十八如耶舍多尊者十九鳩摩羅尊者二十闍耶
 多尊者二十一婆修盤頭尊者二十二摩訶斯多尊者二十三鶴
 勒那尊者二十四師子尊者二十五婆舍斯多尊者二十六不
 如容多尊者二十七按若多羅尊者二十八菩提達摩尊者廿九
 禰禰二十九慧可大師三十僧璨大師三十一道
 信大師三十二弘忍大師惠能是為三十三祖 永嘉玄
 覺禪師來叅遠師三匝振錫而立師曰夫沙門者具三千威儀
 八萬細行大德自何方而來生大我慢覺曰生死事大無常迅
 速師曰何不體取無生了無速乎曰體即無生了本無速師曰
 如是如是玄覺方具威儀禮拜須臾告辭師曰返大速乎曰本
 自非動豈有速耶師曰誰知非動曰仁者自先分別師曰汝甚

得無生之意曰無生豈有意耶師曰無意誰當分別曰分別亦非意師曰善哉少留一宿號一宿覺後著證道歌

華嚴十忍弟三日無生法

忍忍安住義

永嘉集

永嘉禪師姓戴氏著慶州刺史魏靜述

貪嗔邪見意業妄言綺語兩舌惡

口口業殺盜淫身業夫欲志求大道者必先淨脩三業然後於四威儀中漸次入道乃至六根所對隨緣了達境智雙寂冥乎妙旨奢摩他頌恰恰用心時恰恰無心用無心恰恰用常用恰恰無夫念非忘塵而不息塵非息念而不忘塵忘則息念而忘念息則忘塵而息忘塵而息息無能息念而忘忘無所忘忘無所忘塵遺非對息無能息念滅非知其辭曰忘緣之後寂寂靈知之性歷歷無記昏昧昭昭契本真空的的惺惺寂寂是

無記寂寂非寂惺惺是亂想惺惺非 毘婆舍那頌夫境非智而不了智非境而不生智生則了境而生境了則智生而了智生而了了無所了了境而生生無能生生無能生雖智而非有了無所了雖境而非無無即不無有即非有有無雙照妙悟蕭然如火得薪彌加熾盛薪喻發智之多境火比了境之妙智西方合論荷葉菴道人石頭洪大雲經中阿彌陀佛告一菩薩言有釋迦在於娑婆世界也夫當釋迦為主則釋迦遍一切而阿彌陀為所徧之一處當阿彌為主則阿彌遍一切而釋牟尼為所徧之一處如一人之身當自自時不妨為一切人之他當他他時不妨為一切人之自經云毘盧遮那此方遍一切處遍一切處即無量壽佛 一句聖號無復煩詞十念功成頓超多劫如

萬竅怒號力在扶搖因竅顯故如幽谷洞明功在晨曦因谷見
故總之皆是法界性海無作無爲不思議力所現非自非他一
切具足故有如是

欲得淨土當淨其心隨其心淨則佛土淨夫心是即土之心土
是即心之土心淨土淨法爾如故

如人三十至四十三十是因四十是果然三十四十無間斷相
若無四十三十不立無三十者四十不成是故當知非離三十
至四十故若離三十至四十者中間即有分限相而我此身無
分限故念佛因果亦復如是

永明和尚立張淨土既以自脩又以化世故其臨終有種種殊
勝相現舍利鱗砌徑生極樂上品乃至閻羅以爲希有圖像禮

敬夫永明既悟達摩直指之禪又能致身於極樂上品以此解
禪者之執情以此爲末法之勸信是真大有功於宗教者豈特
永明爲然如苑心新禪師作勸脩淨土之文又如真歇了禪師
作淨土說有云洞下一宗皆務密脩其故何哉良以念佛法門
徑路脩行正按大藏接上上根器傍引中下之機至如天衣懷
禪師圓照本禪師慈受深禪師南嶽思禪師法照禪師淨靄禪
師淨慈大通禪師天台懷玉禪師梁道珍禪師唐道綽禪師毘
陵法真禪師姑蘇守訥禪師天目禮禪師等諸大老皆是禪門
宗匠究其密修顯化發揚淨土之旨則不約而同

楞嚴經大勢至白佛我憶往昔恒河沙劫有佛出世名無量光
十二如來相繼一劫其最後佛名超日月光彼佛教我念佛三

時譬如有人一專爲憶一人專忘如是二人若逢不逢或見非見二人相憶二憶念深如是乃至從生至生同於形影不相乖異十方如來憐衆生如母憶子若子逃逝雖憶何爲子若憶母如母憶時母子歷生不相遠遠若衆生心意佛念佛現前當來必定見佛去佛不遠不假方便自得心開

佛告彌勒發十種心往生極樂何者爲十一者於諸衆生起于大慈無損害心二者於諸衆生起于大慈無逼惱心三者於佛正法不惜身命樂守護心四者於一切法發生勝忍無執着心五者不貪利養恭敬尊重淨意樂心六者求佛種智於一切時無忘失心七者於諸衆生尊重恭敬無下劣心八者不著世論於菩薩分生決定心九者種諸善根無有雜染清淨之心十者於諸如來捨離諸相起隨念心是名菩提發十種心由是心故當得往生

權教中言有情有佛性無情無佛性故知情之爲情亦可說自亦可說物不應說言誰無誰有如一夫妻共生一子不應說言誰生誰不生夫髮毛爪齒亦是無情與我俱佛邪抑與我不俱佛邪夢中見山見水見木見石亦是無情是情想攝邪抑非情想攝邪當知是中尚無是我非我云何更計有情無情是故經中道場寶樹能淨諸根風枝水響咸宣妙法無一物非佛身無一物不轉法輪豈是情見妄知所能計度

菩薩如是欲見何方佛即見何以故持佛威神力持佛三昧力持本功德力用是三事故得見佛譬如年少之人端正姝好以

持淨器盛好麻油及盛淨水或新磨鏡或無瑕水精於是自照
自見影何以故以明淨故自見其影其影亦不從中出亦不
從外入菩薩以善清淨心隨意悉見諸佛見已歡喜作是念言
佛從何所來我心亦不去即時便知佛無所從來我亦無所去
復作是念三界所有皆心所作何以故隨心所念悉皆得見以
心見佛以心作佛心即是佛心即我身心不自知亦不自見
永明曰若執言內力即是自性若言他力即成他性若云機感
相投即是共性若云非因非緣即無因性皆滯閼執未入圓成
當知佛力難思玄通罕測 又如有入遠行獨宿空舍夜中
有鬼擔一死人來著其前復有一鬼隨逐喚罵云是我物先鬼
言我自持來後鬼言實我擔來二鬼各執一手爭之前鬼言此

中有人可問後鬼即問是誰擔來是人思惟二鬼力大妄語亦
死何若實語即言前鬼擔來後鬼大喚捉此人手技斷著地前
鬼取死人一臂附之即著如是兩臂兩腳頭脅舉身皆易於是
二鬼共食所易人身拭口而去其人思惟眼見我身被鬼食盡
今此我身盡是他肉即於一切時作他身想乃至五欲亦不貪
著是他身故不應供養乃至妻子亦不生染是他身故不應有
染乃至種種訶斥苦辱亦皆順受是他身故無復憍慢後忽自
計若是他者不應有我若非他者他身現在是中非他非非他
非我非非我我亦不可得他亦不可得從本已來恒亦如是即
時得知一切法是我非我皆為妄菩薩摩訶薩不思議觀力見
佛自他亦復如是又如空谷隨聲發響此響不從空來不從谷

來不從聲來若從空來者空應有響若從谷來者應時時響若
 從聲來者呼平地時此響亦傳乃至非和合來非因緣來非自
 然來菩薩摩訶薩不思議聲相非來非去亦復如是又如幻人
 幻長者所愛馬入小瓶中瓶不加力而馬跳躍如常長者為設
 食已馬繫柱如故菩薩摩訶薩不思議幻法變現佛刹亦復如
 是是故當知念佛三昧不可思議如普賢毛孔不可思議如摩耶
 夫人腹不可思議如淨名丈室不可思議何以故一切法皆不
 可思議故若有一毛頭許可思議者即非法界性海如上言心
 言境言有相無相者皆是思議法若入此不思議解脫即一切
 分別念俱皆為戲論

談者恒言非人所經歷及道理不可信者即不足憑如日月度
 數及五星往來非人所得經歷也天不來此人亦不往彼何以
 推測皆驗又天何為高地何為卑風何為起雲何為行春何為
 生秋何為殺此有何道理可憑胎中之根無知而轉字母之乳
 無因而出此有何道理可憑微而至於一毛一塵一草一木若
 有毫頭許道理可憑幸為指出不過常見故則常之此常見者
 亦復無理是故不應以不見故而疑往生懶真子中國以月晦
 為一月西域記月生至滿謂白月月虧至晦謂黑月故中國節
 氣與印度逆爭半月中國以二十九日為小盡印度以十四日
 為小盡中國之十六日乃印度之初一也結夏之制且如西域
 記用四月十六日又四祖曰我坐林間已經九白印度以一牽
 為一白也

淨土決云人之念頭所係最急如水之必赴海如火之必炎上
 如媯男子媯念堅故化為猛獸延燒神廟又如月光童子觀想

集卷十二

五

五

水故弟子窺屋唯見清水又如僧清辯與外道論議外道堅執已見忽化爲石清辯猶書目手石上明日往視之亦有荅辭久之忽自破碎而吼聲于空中是等皆以念力堅猛無因變化云何念佛而佛不現

智度論曰若人心中有信清淨是人能入佛法若無信是人不能入譬如牛皮永柔不可屈折無信人亦如是又經中說信爲手如人有手入寶山中自在能取若無手不能取信亦如是昔王仲回問無爲子曰如何念佛得無間斷無爲子曰一信之後更不再疑即是不間斷也仲回欣躍而去未幾得生還來致謝淨念者念佛之法名一行三昧惟在決定若不得念即有散慢三昧不成一攝心念謂一切處攝念不忘縱令昏寐亦繫念而

寢不隔念不異念故二勇猛念如好色人聞姪女所在澗隣途虎窟必往不怯故三深心念如大海深廣必窮其底覺路遙遙不竟不休故四觀想念謂念念中見三十二相八十隨形好故五息心念謂息一切名心宦心欲心世間心貪戀心貢高心遮護心人我是非心念佛故六悲啼念每一想佛身毛皆豎五內若裂如憶少背之慈母及多慧之亡兒故七發憤念如落第孤寒貧才寂寞每一念及殆不欲生故八一切念所聞見覺知及與毛孔骨髓無一處不念佛故九參究念謂念佛一聲便念此聲落處故十實相念謂不以有心念不以無心念不以有無心念不以非有無心念故是爲上品念佛門若如是念佛者現生必得見佛

維摩經云時維摩詰室有一天女見諸天人所說法便見其身
 即以天花散諸菩薩大弟子上花至諸菩薩即皆墮落至大弟
 子便著不墮天女曰是花無分別想汝結習未盡故花著身結
 習盡者花不著身皎然有詩云天女來相試將花欲染衣禪心
 定不起還捧舊花歸

佛告文殊師利汝詣維摩詰問疾維摩詰言從癡有愛則我病
 生以一切衆生病是故我病若一切衆生得不病者則我病滅
 菩薩為衆生故入生死菩薩疾者以大悲心起

智度論有大力毒龍以眼視人弱者即死以氣噓人羶者亦死
 時龍受一日戒出家入林樹間疲懈而睡獵者見之喜曰以此
 皮獻國王以為船飾可乎更以杖案其頭刀剝其皮龍自念我

今持戒故不計此身一心受剝不生悔意時日大熱欲趨大水
 見諸小虫來食其身為持戒故不動畜生尚能堅持禁戒至死
 不化何況於人

代醉編佛經行中國尚矣莫詳其始牟子曰漢明帝夜夢金人
 身有日光明日博問群臣通事傳毅對曰臣聞天竺有道者號
 曰佛輕舉能飛身有日光殆將其神也於是遣使者張騫羽林
 郎中秦景博士弟子王遵等十二人之大月氏國寫取佛經四
 十二部在蘭臺石室劉子政列仙傳曰歷觀百家之中以相檢
 驗得仙百四十六人其七十四人已在佛經故誤得七十二可
 以多聞博識遐觀焉漢武故事曰渾邪王殺休屠王以其衆來
 降得其金人之神置之甘泉官金人皆長丈餘其祭不用牛羊

唯燒香禮拜上使依其國俗祠之此神全類於佛豈漢武之時
其經未行於中土而但神明事之耶故驗劉向魚豢之說佛經
至自成哀之世明矣然則牟傳所言四十二者其文今存非妄
蓋明帝遣使廣求異聞非是無經也

釋彥琮通極論佛降神兜率之宮垂像迦毘之域氏曰瞿曇種
稱刹利俗名釋達道字能仁乃白淨王之太子也其生也坤形
六動方行七步五淨兩華滿國二龍灑水遍空身邊則金色一
丈眉間則白毫五尺開卍字於眉前躡千輪於足下力格香象
氣冠神功歷王城之四門哀老病之三苦于是十力智圓六通
神足大業克成獨稱為佛法輪則奈國初轉僧侶則憍陳始度
至於迦葉尤第目連朋友於是他化宮裏乃弘十地著闍闍上

方會三乘善吉毆無得之宗淨名顯不言之旨斯乃三界之大

師萬古之獨步

文句曰瞿曇此云純淑意法師翻為也最勝謂除天外人類中此族最勝

王簡栖頭陀寺碑文如來迦維託生王室憑五行之軌極湯逝
川開八正之門大庇交喪行不捨之檀而施合羣有唱無緣之
慈而澤周萬物演勿照之明而鑒窮沙界道亡幾之權而功濟
塵相既而方廣東被教肆南移周魯 二莊親昭夜景之鑒漢
晉兩明並勒丹青之飾

唐文皇聖教序引慈雲於西極注法雨於東垂濕火宅之乾焰
共拔迷途朗愛水之昏波同臻彼岸是知惡因業墮美以緣昇
昇墮之端惟人所托

御製大乘顯識經序貝葉靈文吐天之訓彌遠貫花微旨西秦

之譯更真大乘小乘逗根基而演教半字滿字遂權實而相曉
傳錄夫禪悟我空偏真之理而修者是小乘禪悟我法二空
所顯真理而修者是大乘禪若頓悟息本來清淨云無煩惱無
漏智性本自具足此心印佛依此而修是最上乘禪
是諸大乘經為滿字無欠少之義也小乘諸教悉為半字義未
圓故云

武后御製三藏聖教序八萬四千分布閭浮之境三十六億莊
嚴平等之居夜掩周星霄通漢夢

許敬宗瑜珈師地論序斷齋初載萬有於是宅心飛龍在辰六
幽於是仰德漚洪流而恢地絡練清氣而揖天維散服韶戈扇
無為之道移澆反朴弘不言之化悠悠庶類叶夢於華胥蠢蠢
懷生遂性於仁壽大禮大樂包曲臺而掩宣榭宏謨宏典澄鑿
水而藻環林瑞露禎雲翔碧空而表照祥鱗慶翼擾丹禁而星

符歲精所記之洲咸為疆場暄谷所談之縣並入提封開夏景

於蓮花法流逾潔泛春光於貝葉道樹增榮
皮日休云貝多紙
上經文動如意瓶

李古藥大乘莊嚴序遷禁苑之喬枝入祇園之隩室酌智水之

餘潤承慧日之末光
孔叢子云昔西域國苑中有柰樹生果中
有一女子王收為妃乃以苑地施佛為伽

藍故曰王奈苑李士謙善玄理論三教
曰佛日也道月也儒五星也客不能難

僧懷素羯磨經序鹿苑龍城啓尸羅之妙躅象巖鷲嶺開羣脫

之玄宗於是三千大千受清涼而出火宅天上天下垂戒筏而

越迷津
隋志佛生周莊王七年四月八日至匡王五年七十九
歲涅槃於拘尸那城雙林下葬回鹿山頗真卿戒壇記

如未以身口意三業難調伏也淨尸羅以息其內行住坐卧四
威儀攝善心也明布薩以昭其外故曰波羅提木叉是汝之師

李儼法苑珠林序蟻蛭之小比峻於嵩華牛涔之微爭長于江

漢夫其顯了之義隱密之規解脫之門總持之苑前際後際並
契真如初心末心咸歸正覺導迷生於慾海情塵共心垢同消
引窮子於慈室衣寶與髻珠雙至

僧祐弘明集序鷓旦鳴夜難翻白日之光精衛銜石無捐滄海
之勢然以闇亂明以小罔大弱植之徒隨僞辨而長迷倒置之
倫遂邪說而永溺此幽途所以易墜淨境所以難陟

商那和脩者化緣既久得優波鞠多爲給侍因問曰汝年幾耶
荅曰十七師曰汝身十七耶性十七耶荅曰師髮白耶心白耶
師曰我但髮白非心白耳鞠多曰我身十七性十七也和脩知
是法器遂爲落髮偈曰非法亦非法無心亦無法說是心法時
是法亦非法

